

رباعيات

شعر

جمال عبد الوهاب



إصدارات مؤسسة عبدالقادر الحسيني الثقافية

اسم الكتاب: رباعيات - شعر

اسم المؤلف: جمال عبدالوهاب

رقم الايداع: ٢٠١٧/٣١٣٤

الترقيم الدولي: ٢-٤٦١١-٩٠-٩٧٧-٩٧٨

الطبعة الأولى

حقوق الطباعة محفوظة للمؤلف ومؤسسة الحسيني الثقافية
لا يسمح بإعادة إصدار هذا الكتاب أو أي جزء منه أو تجزته
في نطاق استعادة المعلومات أو نقله أي شكل من الأشكال
المعروفة حالياً أو التي ترد مستقبلاً دون إذن خطي مسبق

المراسلات:

مؤسسة عبدالقادر الحسيني الثقافية

المقطم الهضبة الوسطى الحي الرابع منزل رقم ٥٢٧٥ شارع عماد مصطفى

موبايل: ٠١١٤٤٠٥٩٩٧٥ ت: ٢٧٣٠٤٠٠٤

اهداء

و أشعر بالفخر عندما أقوم
بإهداء ديوانى الجديد
للموز والقلم والأساتذة الكبار
وأنحنى لهم تقديراً واحتراماً

الشاعر

جمال عبدالوهاب

مقدمة

عندما تشعر بالسعادة والإعجاب عند قراءة ما يكتب !!!

وتنتظر التالي والجديد...

فأنت تقرأ للشاعر والفنان المبدع جمال عبد الوهاب..

ويسعدني ويشرفني أن أقدم له الأمنيات بالتألق الدائم..

وإمتاع القراءة بشعره وفنه...

ومبروك الديوان الجديد.. ومش بس خلاص

المخرجة شويكار خليفة

رباعيات

شعر

جمال عبد الوهاب

عفاف جمال

مرمر.....

الجميل دائماً يفكر فى اللى ما بيقدر عليه
عيش حبيبى بلاش تعكر دا أنت أجمل ما نلاقيه
تسوى إيه الدنيا دته غير تعيشها هنيّه
واللى مش عاجبك يا روحى شاورى بس وهانتاويه


جمال عبدالوهاب

الفنان عادل أدهم

الشر له مدرسة وبرنس في التمثيل
نفسك تقوم تقتله ولا تبقى جنبه ذليل
غير مزاج حضرتك في الحافية والطبال
أستاذ أكيد تعشقه فنان كبير وأصيل

العندليب وحكاية حب

حكاية حب بين قلبك وبين قلبي وناس ملايين
بنتنفس كلامك لسه ونخبى دموع العين
قريناكثير عن العشاق وأوجاعهم وشفنا كثير
ما حسينا بكلام الحب غير منك وبك عايشين



أحمد زكى

والحب إيه غير إن تدخل فى القلوب من غير كلام
يادى البرئ طبال وبيه ومافيش هروب نمروهمام
وبقيت مهم وقول أهم من الوزير وبقيت سادات
وبقيت ياجان أسمركان وبقيت حلیم مسك الختام

البابا شنودة

إيه ياوطن !!كفاياك كاسات الحزن ..كفايانا عذاب
الفرح إمتى يكون نصيينا ؟ الفرح إمتى يدق باب.؟
راح المحب المحترم راح المبجل والحكيم
راح اللى عشقك يا وطن واتحمل الآلام وغاب

التليفزيون

ورمضان وحصان طروادة

ودخلت بالسهوةكة وقلت رمضان جى
وضميرنا منك بكى وفتحنا ليك الحى
وف عز عز الفرحة بالليل طلع تعبنا
هجم بكل إفترا وماشفنا زيك زى



أدوية يامحسنين

إلهى وأنت جاهى يرضى عليكم أمين
ويحوش عنكم دواهى مالكانا من سنين
وماتتمسكوش بغلطة ولا يوم تشوفوا غلطة
فكّوها وزودوها بسرّجة أنسولين

سم الفئران غالى ياناس

ما تقولوا نموت بايه والسم كمان غلى
ماعاد فى الجيب جنيه يشفع ويبص لى
معقول سم الفيران يحصل له كمان جنان
طب أعيش إزاي وميت جوايا بيتقلنى



سلى صيامك مع الفضائيات

أوعى تقولى نسلى صيامنا
دى الأيام صبحت معدودة
دا الحنا يا دوب بنشوف أدامنا
واللى ورانا خيوط مشدودة
سيبك م الهلس ولو مرة
دى العيشة ماتسواش بالمره
عا يزين لمة تفيد أيا منا
كلمة رحمة تكون موجودة

العالم رايح فى النوم

أمتى هاتفوق من دى نومة
قوم إلهى ما تلقى قومة
قووم وحس بدنيا خاينة
إعتبرنا ولاد صهاينة
قوم يا شيخ يخرب ضميرك
دلنا ونروح لغميرك
شعب بيضيع وأنت نايم
قووم ماقلنا ما فيش شتايم



اللاجئون

ما فضلش غير أن الطريق ينشق
ويكون أحـن من البشر وأرق
ويدارى عار الإنسانية الزور
وهايجى يوم نتلاقى عند الحق



إعلام مش مناسب


إنتم سبب خرابها كرهتونا فى ترابها
وغلطنا فى شكلها
لاعرفنا مين صحا بها ولا مين هايدق بابها
ويجيب من فضلها
الحق بتخذلوه والباطل تنصفوه
وشعاركم هات وخذ
وإحنا بنغرق حرام راعوا الله فى الكلام
وإتحاموا ف ضلها

حلب وماذا بعد

إبتدينا نعيش فى ماضى وكله راضى
نكون سراب
مش مهم دا سيف وماضى . تروح أراضى
يعيش خراب
والوشوش الحلوة ضاعت .. خلق جاعت
مات ضمير
والشوارع والجوامع والكنائس
كوم تراب

خلص الكلام

ياشيخ إمام خلس الكلام واللعبة بتشطب أوام
ضيعت صوتك بالرخيص والخلق تاهت فى الزحام
تنده ماتنده ها يفوتوك وإن قربوا ها يضيعوك
مش قلت لك خلس الكلام وخسارة فى الناس العلام



الأم العجوز

وظهر عليكى الكبر
والعود صبح د بلان
إيه أخرة اللى صبر
عثمان فى ضل حيطان
يا حنينة دول غلط
بتزيدى حبك ليه
وتقولى أ بلع ظلط
واصبر ويأسى كمان

الأسطورة

وسّع وسّع للأسطورة
عمره ماخاف من أي فاتورة
يوم يتعشى ويوم يتمشى
بس بتيجي معاه مستورة
الأسطورة حفيد رمسيس
بيصارع على طول إبليس
لادولار همّه ولاجوع غمّه
وأكيد ها يحل الفزّورة

جراح القلوب

دكتور مجدى يعقوب

قلبي بيبحك يا قلبه قلبه غالى

آاه يا قلبه

شاف وجع فى قلوب حزينه عاش معاها

وساعده ربه

قال رسالة إنسانية فكرة ضد

العدوانية

مد إيدو زرع محبة والحقيقة

الكل حبّه

الشيخ إمام

ياشيخ إمام خلص الكلام واللعبة بتشطب أوام
ضيعت صوتك بالرخيص والخلق تاهت فى الزحام
تنده ماتنده ها يفوتوك وإن قربوا ها يضيعوك
مش قلت لك خلص الكلام وخسارة فى الناس العلام

الفنان محمود رحى

أستاذ لجيل فى زمن جميل سر إبتسامه ومعرفة
مشوار طويل راح بالرحيل وفضل حكاية مشرفة
فين بوجى فين طمطم وفين رحى وفينك لعبتى
آن الأوان نعشق زمان وتكون نهاية منصفة

أصلك ما حبتهاش

ياحب إيه يوجعك أصلك ما حبتهاش
مين غيرها هايمتّعك دى الجنة لوتتعاش
ياحب هى الحياااة هى المكان والناس
ربك خلقها لبشر هاضيعوها بلاش



وصية زويل

وعلنا بالوصية وطلعنا بجنتك
والعلم وراح هدية لحبايب حضرتك
الذنب مش عليك الذنب ذنبنا
إحنا الجهل إشرانا وأملنا فى جايزتك

وداعاً

عالم العلماء أحمد زويل

هايفيد بآيه النحيب وهاتعمل إيه

ياعويل

راح زى غيره غريب ونودعه

بمواويل

قالوا الصهاينة خدوه وكرموه

وصانووه

وف فمتو ثانية إتخطف ويادوب

وداع يازويل



رثاء أبي.....

ما فهمتهاش هيّ الحياة المشكّلة واللى معاه القرش عاش
عشت الحياة زهد وشقى فضلك كريم قلبك تقى ماحرمتناش
وتفوت سنين ولانفتكر غيرلما إسمك يتذكر ونقول نصيب
والدنيا دايرة ونتفرم وهايحي دورنا ونتحرم ونضيع بلاش

إلى حبيبتى....

لو كنت باحلم يكون عندى ذهب بالكوم
أو كان تاخذنى الظنون وأفضل حبيب محروم
إخترت حبك وأنا ما أملكش مال ولا جاه
هى الحياة تتقبل من غير وجودك يوم

وقال الراوى.....

الـحـزن بيخيم عليها حتى فى الأفـراح
وصحيحها متألم وفيها كام طبيب لجراح
أنا قصدى فيها اللى قاتلها واللى قال مظلوم
وبهية مسكينة وبتداوى الصباح بصباح

حببتي.....


وحدك بتتحكمى فى القلب وتحكمى يا أغلى ماليته
بالحب بتعلمى وبحكمة تتكلمى مليانة حنية
حبك يعمركون وحدك وكله يهون دايماً ماليش غيرك
معذور وبهواكى مغرو ربلقياكى ياأحلى أغنية

محمد جمال....

أعدائك همّا همّا فقروجهل ومرض
وعدو الأهل غمّة موتك هو الغرض
وأنا ما بيديش أحوش دول يا بنى أكيد وحوش
ع القادر مايرحوش والويل للى أعترض

چيفارا... چيفارا... چيفارا... چيفارا... چيفارا...

مش شرط نبقى شمال علشان نكون حلوين
حب الوطن شغال ويدوم ليوم الدين
مش محتاجين شعارات وزعامة من قارات
على عيني تبقى زعيم... لكن إحنا مصريين



بابا نويل فى القسم.....

أحلف لك بالطلاق وبدين المسلمين
أنا قلبى نضيف ياباشا وماليش فى المطلوبين
أنا راجل فى السليم معشوق كل الحریم
وكبار وصغار حبايى بادعيتك .. قول آمين

**كل عام وكوكى بخير
ويارب أشوفها فى الكوشة.....**

جدو بيحبك ياكوكى
نور عيون أمك وابوكى
كنت لسه بدادى مامتك
فجأة أكون جدك ياكوكى

أمى....

سنين وسنين تفوت والقانى باتألم
دموع وأنين بموت .. وحشاني.. باتظلم
مافيش فى الكون يكون فى العون ومين بعدك
وبعد الله ماطمّنى ما هاتكلم

عام جديد.....

المحبة والسلام والجيران الطيبين
كلنا بنحلم بعام كلنا فيه مرتاحين
عيشة هادية ونفس راضيةدى الحياة أيام وماضية
ليه نعيش عيشة البرارى ليه نكون الخسرانيين



الملتقى

الدولى للكاريكاتير

هى دى مصر الجميلة
مصر فن وروح وعيلة
عيلة شائلة تراث جدودها
والأمانة بجد شيلة
من رخا لصاروخان'طوغان
من حجازى 'جاهين وحا كم
مصطفى حسين كان وكان
عمى تاج خلاها ليلة

الأرض حمام السلام

رباعيات فنية

ليه تحرموها من الحياة ليه تمنعوا عنها الحمام
دا الحب فى الأرض الصلاة والرحمة بتعيش بالسلام
إيدكم نخلى الكون سعيد ونخلى بكره نهار جديد
ونقول يا خلق إتعلموا وكفاية...ضعنا بالكلام

حب الملائكة

بشويش علينا وبطلوا شغل الملائكة مع البشر
ياريت بشوق تتفضلوا دا إحنافى قلوبنا الخير ماشر
دا القلب هايضع نعمل إيه حبة حنان يا خدوا بإديه
حبونا دا إحننا الطيبين والحب فى الجسم إنتشر



ليالى شهرزاد.

إحكى وقولى وكملى ما تبطلش حكايات
أناسبت عمرى بين إيديكى وكرهى بعدك مات
لا بقيت أفكر غير فى رحلة معاكى مالها حدود
وحزين على غيرك ما قدرت تغزل الخرافات

ذكري سليمان خاطر

شهيد الواجب

هاتصدقوا لوقلت بيفكرنى بمحاكمة أهالى دنشواى
والحكم ظالم والمحاكم نفسها قاتلة اللى جاى
معقولة بيهون اللى منك وانت عارف مين حاميك
يادى الفساد ما اتغيروش ظالم ويتقبل عزاءى

مش فارقة...

شاعر بحرقـة وألم وبكسرة وبخنقة
مجروح وجرح الندم آسى وكام غرقـة
يادنيا لوفيه أمل إستعجلى شوية
ما بين جراح بانجرح وحياتي مش فارقة

علاء الدين وياسمين

إنّى بتحبّيه!! وماله.. حبّي من شعبك بحاله

حبّي يا ياسمين

بس نفسى يكون مثالى مش هايطمع يوم فى مالى

فين علاء الدين

مش ها يتعذب بجنّي يبقى منك يبقى منّي

يبقى موثوق فيه

يومها يا ياسمين ها بارك وأبقى وياكم ها شارك

حتى لو كان مين

SHEWEKAR KHALIFA
IS PRINCESS JASMINE



صباح الحب

صباح الحب كان الله في عونك
يا ست الكل وبقينا إحنا عائلة
ياريت فيه سم للى عاش يخونك
ياريت ماتتصفي الجهلة الحسالة

بنحلم

بنحلم بالقلوب ونظير معاها
ونتمناها صافية بلون هواها
ونتألم ونتحمل غيالها
ونحلم بكرة يتجدد لقاها

الفنان الكبير

جورج البهجورى

الوشوش بهجة وسعادة
والفنون حب وعبادة
عمنا بهجورى قال
كل شئ فى الدنيا ماشى
مهما هايعيش برضه ماشى
الإعشاق الجمال
يفضلوا دايماً معانا
يسكنوا قلوبنا وحشانا
دولرموز مابتنتهيش
عيش يا جورج وعيش برسمك
كل ريشة ولون باسمك
عيش بالحظة من الخيال

ماتحاولش

رباعيات مصرية::

ما تحاولش تحل عنها بالهروب
أوعى يتغير مصيرك عن مصيرها
مش ها تاخذ برّا منها غير ذنوب
هى باقية وأنت بالتأكد خاسرها

شاهد عليكى الزمن

شاهد عليكى الزمان وبيكتب التواريخ
ياأعلى ناس ومكان من غير عويل وصريخ
مهما الأمور تختلف واتغيرت موازين
ها يقدرك ربنا ودا أعظم التأريخ

ثمن الحرية

ثمن الحرية غالى جايه متأخرة
إحنا اللي فتحنا بابها هاتجيبنا أكيد ورا
مابتفرقش الرموز ولا مين ضاربها بوز
بيجوز أولا يجوز..حرية مسخرة

فرقة حسب الله

فى الفرخ جاي والحزن جاي دايمأبترضى بالقليل
أصل المناسبةى مناسبتك تعبان وشقيان ياالجميل
فك مناسب للفقير قبل الغنى وف حتتك
ياهل ترى هانلاقى زيك فى الزمان المستحيل



خايف أوم

خايف أوم وأعترض يتقال أناكافر
اليأس هد الجبل وإتحدى ع المكشوف
الدنيا يوم تتمرض والتانى بتعافر
قالوا عليه إتهبل ..قالوا عمل معروف

مستنى حظى

مستنى حظى للأدان وهاموت كمان
والجوع عفى ما بيكتفى ومثينا هان
مكتوب نكون بره البيوت عايشين نموت
بس السكوت إيه فايدته بطول الزمان

بتوحدى

بتوحدى وفيه ناس ليومنا مشركين
وبتعبدى وكثير ماعرفوا أى دين
ياالدى السنين بتفوت وبرضه توحدى
وبتعبد بوإيمانك الحصن المتين

الفنان يونس شلبي

ياه يا حيرم ياه يا عاطف ياه يا منصور بالقوى
جيت يا حيلة فى جو عاصف وأنت عودك مش قوى
واحدة واحدة بقيت معاهم خطوتك سبقت خطاهم
وإبتديت تكبر يا بوجى بس كان الموت قوى



أم الشهيد

مش ببكى من الفراق ومرارة الإشتياق
حسّاك إن إنظلمت
من يومك فى العذاب عايش تعشق تراب
ومن الراحة إنحرمت
أنا راضية تكون شهيد وأنت يادوب الوليد
حسباك عندالكريم
أنا ببكى على الضمير من همى من المصير
لما النعش إستلمت

إبن الكرام

ماكانش يوم الجدع يتهان ويطفح مُر
مجنون وصدق ودع قال إن بكره يسر
ياأبن الكرام أخرتك تخرج كده بلبوص
والقلب مات م الوجع والصبر كتره يضر

المشرحة.....

بنلف وندور والعين متفتحة
الهم جايب هم برضه وتعبانين
خايفين ننام ونلاقى روحنا فى مشرحة
أشلائنا هاتتوه واحنا برضه مفتحين

بلاش الملامح

قلب مين اللى إتحرق وأم مين اللى إنكوت
شوفوامين ابنه إتسرق.. أرض بالدم إرتوت
الخراب عمّ البيوت لَمَّا هَلَّ العنكبوت
والسكوت بيضر ياما والقلوب ياما إحتوت


أستاذالأساتذة وراهب الكاريكاتير

ومسابقة بإسم الفنان عبدالعزیزتاج

كل عام يا فنانيين عمى تاج هايكون أمين
جاب جوايز للى عايز من جميع الرسامين
المواهب ها يساعدها وبأيديه ياخذ بأيدها
واحدة واحدة يبقوا حاجة زى تاج ومنورين


تيجى نبى بلدنا....

تيجى نبى بلدنا تانى ..مش عشانك أوعشانى
إبنى وإبنك محتاجينها..دى الحياة بتفوت ثوانى
ليه يشوفوا إالى أنت شفته وإلى عذبنى وصادفته
مصرعايزة إالى يراعيها..مد إيدك ليه نعانى



الفنان محمد عبلة...

راح يكون دا أقل واجب لونقول متشكرين
بس جهدك برضه عاجب وإحنا لك مش منصفين
فوق كتافك جيل بهمة كل حلمه فى يوم تضمه
تنصفه من غدر بكره تبقى له نعم المعين



المختلف عمر صديق.....

المختلف لو تسألوه ها يقول دا مكتوبى
مبّزنى عن غيرى بفكرى عشت فى دروبى
مش عبقرية ومش تميز بس عندى كتير
واخترت أكون واحد معاكم عندى أسلوبى



عجائب الدنيا السبع

المصرى

عيش يا صاحبي عيش حياتك مين هايجهل إنجازاتك
إنت فوق كل العجائب كله مذهول من سكاتك
والعجيبه يا ابن طيبة المصايب لك حبيبة
مهما قلت بعدت عنها هي عندك ولمماتك



إبت.....سم....عمنا تاج

إبتسم واشرب وحاول تترسم
دا أنت غالى وعزنا من بين إيديك
زيح ياصاحبى دى النهاية بتتحسم
وأوعى تنسى دعوة للغالين عليك

ليلة الإحتفال بعمنا تاج

أفتكرشى عمش جديد لما قلبى يكون سعيد
وأبقى وسط الزحمة خايب
وأبقى حاسس بإنهار والفضا يصبح عمار
بالمعارف والحبايب
كلهم وبدون فوارق كله حلو ما عا دش فارق
كله جاى علشان يبارك
والعريس ماشفنا زيّه عمى تاج يامين فى ضيّه
عيش وكون ضمن العجايب

والدى

شقيان ومليان تعب والبسمة بتحليّك
نظرة عنيك مش سبب علشان نفاخربيك
جودك حدودك صمودك كل شيء موال
يا أصل مين يجهلك فوق روسنا بنخليك

الزعيم

عادل إمام

هو مين يبقى الزعيم بعد منك يازعيم
الزعامة تعيس وتدى فى الكوميديا تكون كريم
خدتها من الصفر طالع فكروا عى وعقل والع
الريحانى أب شرعى أب كان وياك مقيم

الوحدة القاتلة للأطفال

ماتلمش حد إنت السبب ليه تعيش بعيد
أهلك فاتوك ياللعجب.. تركوك وحيد
ويقولوا هانجيب السعادة وخير كتيبير
نسيوا إن لحظة فى حضنهم هاتكون سعيد

رقوة مصر

من كل عين بصاصة يندب فيها رصاصه
من كل ست رديه ما بتستحي وقمصاه
بارقيكى من حسادك من فرحتك بولادك
بالشبهه والفسوخه من ستميببيت رقاصه

مدعى الحرية

بتنادى بالحرية والحق فى التعبير
وبتلعن البشرية وماfish معاك تبرير
إعن كمان سياسات نازية وفاشيات
خلّيك مع اللى إنظلم خلّيك لسان وضمير

بلاش حرب

مين اللى بإديه الحياة غير ربنا
يخلق ويزرع حب جوّه فى قلبنا
وإحنا البشر عايشين حياة لابسين دروع
خايفين ننام والشر نايم وسطنا

رأس السنة الهجرية

العام وراه العام وننده ياعمر غيتنا
الجهل والأوهام وغدر الصحبة موتنا
مانناش كبير عايشين عرب أسماء بلا معنى
فينك يا سيدنا العمر وتلم أمتنا
أمتنا راجعة لورا بتدوس معائنا
العزة فين ليه تختفى والعار ماعائنا
واللى ف إديه المال صرف برّه وجوعنا
مش همّا دول العرب لوسوسو لمتنا

وقفه عرفات

غفرانك م الذنوب جايين بيتك نتوب
ياريت نلقى القبول
فايتين همّ الحياة وأملنا تكون صلاة
فى رحابك لوننول
يارب الناس خلاص الروح طالبة الخلاص
وما فيش غير رحمتك
إجعلنا من الدعاة بعد ماكنّا العصاة
وأحشرنا مع الرسول

الواد مزيكا

ياخلق كلمة فى مينيت هايقولها مزيكا
إيدالشييطان عينت فوق روسكوا أمريكا
وبقيننا كل العرب نكره عروبتنا
وف غفلة راح نتمحى منها باستيكا

نحن والعالم وطفل الأنقاض

إختلفنا فى العبادة والسعادة والضـمير
وإتفقنا نكون ضحايا نكون عراياوطن ضريير
وإرتضينا الإنسانية تكون قوية تكون شعار
بس زاد الظلم فينا والخراب هوالمصير

لمبة جاز

ورجعت لك يا أحمى نكمرى زى أى إثنين عزاز
خاين وهانت عِشرتك واستاهل الحرقه بجاز
معلش حقك تزعلى الفمتو والنس الشيطان
حسيت بجهلى فى قربهم ياأحمى منظومة ف إزاز

يوم النصر

إنتصرنا بعد ما قالوا إنكسرنا
وماضى راح
وإفكرنا بعد ما بقوة عبرنا
تروح جراح
قالوا بينا نعيد ماضيها واحدة واحدة
بأيدي حديد
والمشاكل ماسكة فينا وبتعا ديننا
في داربراح

وداعاً سيد الضوى

أول مانبدى القول نصلى على النبى
مين بعد دول ها يقول لنا المواويل
عطشان تاريخ والحكى سعدى ومطلبى
يا ابو الربابة نجيب منين تراتيل
لمة حصيرة ومصاطب للصباح ياخال
موال يروح وكمان نقول موال
ياهل ترى خدت الحكاوى معاك يا ضو
أويك تكون حفطتهم للنيل



الفقيد أمير محمد ربيع

يا قلبها الدنيا بتبيعنا وف ثانية وبتدى اوجاعها
وتفوت لنا الأحزان
قلبك صحيح آسى مابتعرفى تواسى والآهة نسمعها
وأنتى كأنه ماكان
بتفرقى الأحباب وتشبعينا عذاب واحنا أكيد راضين
يا قلبك الجبار
مالناش غير الرحمن يشملنا بالغفران وتكون لنا الجنة
والصبر يا منان



يا مستنى الديك بيض

لو قلنا تور قالوا إحبوه
وإن قلنا ديك قالوا عجب
إستنوا حبة وجربوه
ها يبيض أكيد بيضة ذهب
مستنى بيضة ياعم ديك
ما تبيض عيانا بتنا ديك
طب بيضة واحسن ظنهم
من همهم نسيوا الأدب

جوكرالسينما

والمسرح يوسف عيد

.....

مش بالضرورة نقول الشعر فى المشاهير
ولا بالضرورة نروح للفن بالمشاوير
فيه ناس بتشقى وتترك بصمة جوانا
جوكر وكان موال أسى وخطير

شمال

ياريتنى كنت شمال وامشى فى طريق بطّال
ويقولوا دا ابن حرام
ويكون معايا المال وأبقى من الأبطال
وأشهر من الأهرام
لسه البشر نايمين عاشقين يكونوا يمين
بالذمة دول عاقلين
ياخلق لو هانموت علشان نجيب القوت
مش يبقى دا الإجرام



أحفاد الفراعنة

مين يقول إن أحنا أحفاد الموحد إخناتون
أو يقول إن فى عروقنا دم مينا وروح أمون
قوم ياخوفو شوف ولادك لعبة فى إدين الزمان
داحنا بالكاد شعب خايف شعب مش عارف يخون

مستنى حظى

مستنى حظى للأدان وهاموت كمان
والجوع عفى ما بيكتفى ومثيلنا هان
مكتوب نكون بره البيوت عايشين نموت
بس السكوت إيه فايدته بطول الزمان

هنا

انا هنا واسمى هنا
مين عندنا زى انا
ماتقولش عصفورة وقطط
دا مافيش حلاوة غير هنا

أمى

سنيين وسنيين تفوت والقانى باتألم
دموع وأنين بموت .. وحشائى .. باتظلم
مافيش فى الكون يكون فى العون ومين بعدك
وبعد الله ماظمنى ما هاتكلم

حكاوى شهرزاد

كل يوم الديك يأذن تمنعى عنى الحكاية
يا حبيبة الحال يحزن . كل يوم نفس الرواية
عشت ليلي مابان نهاري وانتظارك زاد فى نارى
خوفى دائماً من غيابك وتسببى للنهاية

ماتحاولش

رباعيات مصرية

ما تحاولش تحل عنها بالهروب
أوعى يتغير مصيرك عن مصيرها
مش ها تاخذ برّا منها غير ذنوب
هى باقية وأنت بالتأكد خاسرها

ملعون

ملعون كلام الدجالين مليون أمين
تاجروا براحتنا وفرحانين لومين حزين
مش محتاجين السم لوكان فيه حياة
وها نبتديها خطوة خطوة وفرحانين



راقص التنورة

بتلقانى فى دوامة كائى غريق
وأشوف الموت وأنا واقف فى ألف طريق
وتنده لى عيون الناس أحس حياها
أتوه وأتمنى ما أرجعشى تضيق ماتضيق

الفنانين المشاركين

بأعمالهم في الديوان

١- الفنان الكبير عبدالعزيز تاج

٢- الفنان الكبير د. سيد سعد الدين

٣- فنانة الرسوم المتحركة الفنانة الكبيرة المخرجة د. شويكار خليفة

٤- الفنان الكبير د. جمال الموجي ٥

٥- الفنان الكبير صديق العمر ماهر دانيال

٦- فنان الرسوم المتحركة المخرج أحمد الصباح

٧- الفنان المختلف عمر صديق

٨- الفنان المتميز تامر يوسف

٩- الفنان الكبير عبد الرحمن بكر

١٠- الفنان عماد عبد المقصود

١١- الفنانة المغربية حنان الحمداوى

١٢- الفنان الأردني محمود هنداوى

الفهرس

رقم الصفحة		م
3	الإهداء	١
5	المقدمة	٢
9	عفاف جمال مرمر	٣
10	الفنان عادل ادهم	٤
11	حكاية المعمارية العراقية زهاء محمد حديد	٥
12	العندليب حكاية حب	٦
13	أحمد زكي - البابا شنودة	٧
14	التلفزيون ورمضان وحصان طروادة	٨
15	أدوية يامحسنين	٩
16	سم الفنران	١٠
17	سلى صيامك مع الفضائيات	١١
18	العالم رايح في النوم	١٢
19	اللاجنون	١٣
20	اعلام مش مناسب	١٤
21	حلب وماذا بعد	١٥
22	خلص الكلام	١٦
23	الأم العجوز	١٧
24	الاسطورة	١٨
25	جراح القلب مجدي يعقوب	١٩

رقم الصفحة	القصيدة	م
26	عروسة بكر	٢٠
27	الشيخ إمام	٢١
28	الفنان محمود رحمي	٢٢
29	أصلك ما حبتهاش	٢٣
30	وصية زويل	٢٤
31	وداعا عالم العلماء أحمد زويل	٢٥
32	رثاء أبي	٢٦
33	معاه نص رغيف وبيعزم بيه ع الكلب	٢٧
34	الى حبيبتي	٢٨
35	وقال الراوي	٢٩
36	حبيبتي	٣٠
37	محمد جمال	٣١
38	جيفارا	٣٢
39	بابا نويل في اقسام	٣٣
40	كل عام وكوكي بخير ويارب اشوفها في الكوشة	٣٤
41	أمي	٣٥

42	عام جديد	٣٦
	رقم الصفحة	م
43	الملتقى الدولي للكاركاتير	37
44	الارض حمام اسلام	38
45	حب الملايكة	39
46	ليالي شهر زاد	40
47	ذكرى سليمان خاطر شهيد الواجب	41
48	البلياتشو - عروسة المولد	42
49	مش فارقة	43
50	علاء الدين وياسمين	45
51	صباح الحب - بتطم	46
52	الفنان الكبير جورج البهجوري	47
53	ماتحاولش	48
54	شاهد عليكي الزمن	49
55	ثمن الحرية	50
56	فرقة حسب الله	51
57	خايف الوم - مستني حظي	52
58	بتوحيدي	53

59	الفنان يونس شبي	54
رقم الصفحة	القصيدة	م
60	أم الشهيد	55
61	ابن الكرام - المشرحة	56
62	بلاش الملامح	57
63	أستاذ الأساتذة وراهب الكاريكاتير ومسابقة عبدالعزيز تاج	58
64	اليها	59
65	تيجي نبي بلدنل	60
66	الفنان محمد عبلة	61
67	المختلف عمر صديق	62
68	عجائب الدنيا السبع المصري	63
69	ابتسم معنا تاج ليلة الاحتفال بعمنا تاج	64
70	والدي	65
71	الزعيم عادل امام	66
72	الوحدة القاتلة للأطفال	67
73	مدعي الحرية	68
74	بلاش حرب	69
75	رأس السنة الهجرية - وقفة عرفات	70

67	الواد مزيكا - نحن والعالم وطفل الانقاض	71
رقم الصفحة	القصيدة	م
77	لمبة جاز	72
78	يوم النصر	74
79	وداعاً سيد الضوي	75
80	العقيد أمير محمد ربيع	76
81	يامستني الديك ببيض	77
82	جوكر السينما والمسرح يوسف عيد	78
83	شمال	79
84	أحفاد افراعة - مستني حظي	80
85	هنا - أمي	81
86	حكاوي شهر زاد	82
87	ماتحاوش	82
88	ملعون	83
89	راقص اتنورة	84
90	أسماء الفنانين المشاركين بأعمالهم	85
91	الفهرس	86
96	نبذة عن مؤسسة الحسيني الثقافية	87

نبذة عن مؤسسة الحسيني الثقافية

نبذة عن

مؤسسة عبدالقادر الحسيني الثقافية

نحن مؤسسة خيرية تم إشهارنا بموجب القرار رقم ٩٣٥٠ في ٢٩/١٠/٢٠١٣
ومجال نشاطنا الخدمات الثقافية والعلمية والدينية على مستوى الجمهورية.
وتعمل المؤسسة تحت شعار رعاية الابداع والمبدعين الشباب ، في النواحي الثقافية
المختلفة عن طريق برنامج طموح لعقد ندوات أدبية متنوعة ومسابقات أدبية
وثقافية داخل مقر المؤسسة وخارجها وفي المحافظات، ومعارض للطابع والفنون
التشكيلية ، ودورات تنمية بشرية متنوعة ، وإقامة مدارس وجامعات متخصصة ومن
ضمن برامج المؤسسة إقامة دار نشر وأستوديو صوتي ومرئي لخدمة العمل
الثقافي، وتأسيس نادي اجتماعي للترفيه عن الأعضاء، ومن ضمن برامجنا العديدة
تنظيم رحلات ثقافية لزيارة معالم مصر والعالم ، وتنظيم رحلات للحج والعمرة وزيارة
الأماكن المقدسة ، وإقامة مراكز للدروس الخصوصية بأسعار رمزية ، ومن أول
أهداف المؤسسة تكريم رموز الأدب في شتى المجالات في كل أنحاء مصر.
